

Oodâs 17.10.2023

Sää'm äimmõs-suåvtõs altti toimmjummšes

Sää'm äimmõs-suåvtõs noorõõdi vuõss sábbra Ruá'vnjaargâst kálgmannu 13. peei'v. Äimmõs-suåvtõõzz jurddjen lij pu'htted sä'mmlai teåttvuåđ da vuåinnmõõžžid vue'ssen äimmõspoliitikk valmštõõllma.

Äimmõs-suåvtõõzz vä'ldduájjan lij u'vded ceálkkmõõžžid vä'lddkååddlaž äimmõspoliitikk plaanin, kookk ohjee meersaž äimmõspoliitikk da meårte mõõnn nallšem äimmõstooi'mid Lää'ddjånnmest tue'jjeet.

"Teåttmõõžž láá'zstummuš tá'vv-vuu'di da aassji jii'jjesnallšem äimmõstuejje'e'jin lij tá'rkk, ko äimmõsmuttsest lie samai šuur vaiktõõzz tá'vv-vuu'did. Áaskam, što sää'm äimmõs-suåvtõõzz tuájj vie'kkat mi'jjid fi'ttjed äimmõsmuttâz tuõ'llstõõllmõõžžâst kírrsallašvuõđ da kaunnåd seåmmast kuånstid, koivui'm sää'mkulttuur jie'llemviõgg vuei'tet tuårjjeed äimmõsmuttâz vä'žžteen tõn", sårnn pirrõs- da äimmõsminister **Kai Mykkänen**.

Sää'm äimmõs-suåvtõõzz šiõtteš vuõssmõs vuåra äimmõslää'jj nuájja. Tõt lij čõõnte'mes ä'sštõbdiorgaan, ko'st lie 12 vuázli'žžed. Pie'll vuázlain ee'ttkâstt tiõđõutstõõzz da pie'll sää'm ä'rbbvuõđlaž teåđ vaaldšee'jid. Saaggjåå'dtee'jen toimmmai tu'tkkееidåhttar **Klemetti Näkkäläjäarvi** Oulu universitee'ttest.

"Jiõčč vuåinam äimmõs-suåvtõõzz saaggjåå'dtummuž õhttån pukin vä'žžlõmås da seåmmast miõllkie'ssjõmås tuájjan, ko'st leåm leåmmaž. Råmman mãånn, što äimmõs-suåvtõs piåzzi altteed tuåjas da što tõ'st leåi samai pue'rr õhttjažjiårgg da haall raajjåd pue'rab õudldõõžžid äimmõsmuttsa šiõttlõõvmmõ'sše. Sää'm äimmõs-suåvtõs lij globaal täå'zzest jii'jjesnallšem. Áå'n piåssåp raajjåd maall, mõõnn nalla algmeerai teåđaid da täåidaid väå'ldet lokku täå'ssårvvsånji tiõđlaž tuåjast", sårnn Näkkäläjäarvi.

"Tuáj alggpodd pääimõsån puått lee'd äimmõs-suåvtõõzz toimmjummuž plaanmõš da järjstummuš di teåttvuåđ noorråm aalgstummuš. Áaskam, što äimmõs-suåvtõs vuåitt miårkkšõõvvåd õđđ aalg tiõđõutstõõzz da ä'rbbvuõđlaž teåđ vaaldšee'ji õhttsažtuåjast", Näkkäläjäarvi juåtkk.

Riåššõõttåmsåbbrest äimmõs-suåvtõ'sse va'lljeeš väårsaaggjåå'dteei, kåå'tt ålgg lee'd äimmõs-suåvtõõžžâst uvddum asetõõzz mie'ldd sää'm ä'rbbvuõđlaž teåđ vaaldšeei. Sååbbar va'lljii õõutmiõ'lle väårsaaggjåå'dtee'jen **Petra Biret Magga-Vars**. Magga-Vars lij puåžžhåiddai, kiõtt-tuåjjlaž, juõiggmusiikkår da čeåppneķ Vuåččast.

"Mij ä'rbbvuõđlaž teåđ vaaldšeei vuei'nne'p mij kulttuur da tõn pirrõ'stti luåđ kue'stelm-moštтан tõõzz šõõddeen. Mee'st kulttuur kontee'kstest lie å'ldd õõu'dbuž puõlvvõõggi teåđ, mãått da vuå'pstõõzz. Nu'tt še äimmõsmuttâz vaiktõõzz rekisteerjå'vve kue'stelm-muštту. Mee'st lij samai jiånai tiõđlaž tiõttu paaldeemnallšem teått pirrõõžžâst da tõn aiccmõõžžâst. Historiaal'laž lij, što leå'p täå'ssårvvsåž såå'jest tiõđõutstõõzzin sää'm äimmõs-suåvtõõžžâst da vuei'ttep õõutsåå'jest

ooccâd čâuddmõõžžid äimmõsmuttsa šiõttlõõvmmõ'sše da pue'rmõs vue'jjest tuõ'llstõõllmõ'sše",
Magga-Vars teädd saa'neez.

Vuõssmõs sâbbre'stes äimmõs-suâvtõs plaani ââ'ldmõs aai'ji toimmjummšes da tuejjeemtä'zz
jä'rjstõõllmõõžž. Äimmõs-suâvtõs tu'mmii altteed ķirrsõmâs mie'ldd piisarkââ'dd aalgtem
valmštõõllmõõžžid. Äimmõs-suâvtõõzz pue'tti sâbbar ââ'net 15.11.2023 Ruä'vnjaargâst Arctic Spirit
– konferee'ns õhttvuõđâst. Äimmõs-suâvtõs vuässâätt še Arctic Spirit-konferee'nsest tiõđlaž
paneela "Teâđ õhttsažpuu't'tummuš da äimmõsmuuttâs Tâ'vvjânmin".

Lââ'ssteâđ:

Sää'm äimmõs-suâvtõõzz saaggjââ'dteei Klemetti Näkkäläjärvi, klemetti.nakkalajarvi@oulu.fi, +358
40 537

[Teâđtõs sää'm äimmõs-suâvtõõzz šiõttummšest](#)